



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectæ

**Sandini, Antonio**

**Bambergæ, 1753**

CCXXXVI. Gregorius XV. Anno Christi 1621. Ferdinandi II. 3.

---

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

causâ bona immobilia perpetuò Ecclesiasticis relinquere, vendere, alienare inconsulto Senatu queat: biennio transactio bonis divenditis pretia eisdem pro Legibus venditis assignentur: alterum anni 1603, IV. Idus Januarii, quo ne Ecclesiastica Xenodochia, monasteria exstrui, nec novi Religiosorum cœtus, ac societates que Senatus permisso induci possint, gravissimis pœnis prohibetur. Eadem habet Ignatius Hiacyntus Amat de Gravelon in Hist. Eccl. tom. 8. colloquio 2.

(2) Constitut. 65. §. 2. tom. 3. Bullarum pag. 252.

(3) Constitut. 63. §. 20. Ibid. pag. 250.

(4) Lege vitam Leonis IV. p. 258.

CCXXXVI.

GREGORIUS  
XV.

ANNO CHRISTI 1621.

FERDINANDI II. 3.

GREGORIUS XV. cui *Alexandro Ludovisio* antea nomen, Bononiensis, annum natus septimum & sexagesimum, V. Idus Februarii an. 1621. Pontifex dictus est. Huic & fœdus Christianorum Principum con-

Spond.

an. 1621.

§. I.



contra Turcas, & conversio Prote-  
stantium ad Fidem Catholicam cura  
fuit. Quare & Ferdinandum Cæsa-  
rem bellum gerentem cum his, &  
Sigismundum Regem Polonorum  
pugnantem cum illis milite iuvit, &  
pecuniâ. Eandem ob rem instituit  
Cardinalium Congregationem *De*  
*Fide Catholica propaganda.* Ut autem  
ab Italia, quæ Christianæ religionis  
sedes est, non disciplinam modò, sed  
etiam exemplum peterent nationes  
aliæ, integratâ Clementis VIII. Con-  
stitutione, ne Itali extorres mane-  
rent in locis, ubi haud liber Catho-  
licæ religionis cultus esset, aliam  
ipse promulgavit adversus hæreticos  
in Italia & adjacentibus insulis com-  
morantes, fautoresque eorum. (1)  
Tanto Gregorii studio in propaga-  
tionem veritatis Catholicæ, ejus-  
demque relictæ curâ remordente ex-  
citatus Marcus Antonius de Domi-  
nis Archiepiscopus Spalatensis, post  
moram annorum sex apud Britannos  
petiit errati veniam, obtinuitque,  
cùm prius edito libro damnâset scri-  
pta sua adversus Ecclesiam Roma-  
nam. Itaque Romæ ab Gregorio  
exce-

An. 1622.

S. I. 2.

3. 10.



exceptus peramanter: sed non multò post rediit ad mores pristinos. (2) Idem Gregorius iussit, *Festum S. Annæ ab omnibus Christi fidelibus, sicut alia Festa de præcepto celebrari*, & Festum S. Joachimi S. Annæ conjugii *Officio ac ritu Duplici.* (3) Beatos Ignatium institutorem Societatis Jesu, Franciscum Xaverium Indiarum Apostolum, Philippum Nerium, Isidorum Hispanum agricolam, atque Theresiam unâ eadêmque celebritate in concilio Sanctorum collocavit. Præscripsit comitorum Pontificiorum rationem & ceremonias, (4) ac decessoris sui Pauli V. decretum *De Virginis Conceptione* amplificavit. (5) Confirmatâ quoque ampliatâque constitutione Pii IV. inhibuit Sacerdotes, qui administrantes Sacramentum Pœnitentiæ quovis modo sollicitarent Pœnitentes ad turpia. (6) Huic *biennii ac mensuræ* quinque Pontificatus fuit. Obiit anno 1623. VIII. Idus Julii.

An. 1623.  
S. II.

#### ANNOTATIONES.

- (1) Constitut. 48. tom. 3. Bullarii pag. 431.  
(2) Moriturus rediit ad se iterum, obiitque Pœnitens, Nihilominus corpus eius unâ



unâ cum scriptis ejusdem impiis combu-  
stum est in Campo Floræ. Spondanus ad  
an. 1624. §. 4.

(3) Constitut. 24. §. 2. & constitut. 39.  
§. 1.

(4) Constitut. 13. & 19. quas Urbanus  
VIII. ejus successor confirmavit constitutio-  
ne 47. Tres præscribuntur rationes eligendi  
Pontificem Romanum, quæ servantur  
ad hodiernam diem, prima per  
*scrutinium*, sive *scrutinium* & *accessum*,  
secunda per *compromissum*, tertia per  
*quasi inspirationem*. Primo modo fit ele-  
ctio, si ex partibus tribus suffragiorum duæ  
ferantur, exempli gratiâ sex ex novem.  
Hoc modo suffragia laturo Cardinales con-  
veniunt bis in dies singulos, manè post  
Missæ sacrum, & vespere post hymnum  
*Veni Creator Spiritus*. Secundo modo  
fit, cum Cardinales de eligendo Pontifice  
discrepantes unum vel plures eligunt ex  
Ordine suo, quorum ad arbitrium judi-  
ciumque electio redeat. Tertio modo, cum  
Cardinales quasi Spiritûs Sancti numine af-  
flati aliquem unanimiter & unâ voce, nul-  
lo penitus dissentiente, pronuntiant sum-  
mum Pontificem. Vide Martinum Bona-  
cinam *De legitima Pontificis electione*  
disputat. 1. quæst. 5. & annotationes in  
Gregorii XV. Constitut. ab *Hieronymo*  
*Ghetto* scriptas Italicè.

(5) Vide annotat. 10. ad S. Pium V.

(6) Con-



(6) Constitut. 34. §. 4. Statuimus, quòd omnes & singuli Sacerdotes ---- qui personas, quæcunque illæ sint, ad inhonestam sive inter se, sive cum aliis quomodolibet perpetranda in actu Sacramentali Confessionis, sive antea, vel post immediatè, seu occasione vel prætextu Confessionis hujusmodi, etiam ipsa confessione non secuta, sive extra occasionem Confessionis in Confessionario, aut in loco quocunque, ubi Confessiones Sacramentales audiuntur, seu ad Confessionem audiendum electo, simulanter ibi Confessiones audire, sollicitare vel provocare tentaverint, nec cum eis illicitos & inhonestos sermones, sive tractatus habuerint, in Officio S. Inquisitionis severissimè puniantur.

CCXXXVII.

URBANUS VIII.

ANNO CHRISTI 1623.

FERDINANDI II. §.

Octavo Idus Augusti *Maphæus*  
*Barbarinus* Florentinus, annos  
 sex & quinquaginta natus, litteris

Spond. apprimè excultus, nec infimi inter  
 an. 1623. poëtas nominis, Gregorio XV. suc-  
 §. II. cessor datur, diciturque *Urbanus VIII.*  
 Hic